

Хө киргългънд тасрхан уга оныган өгчӱхмн

Хөд киргъх цаг болчкв. Киргългънӱ цаг эклтл цуг сӱн белдвр кех бӱӱсмн. Целинн района совхозмудар болн „Родина“ гидг колхозд хӱӱнӱ киргългън эклчкв. „Западный“ совхозд гурвн электрическ агрегат кӱдлджӱнӱ.

Ах хӱӱч Молчановин бригадт ӱдрин 33-35-д хӱ киргълдг улс бӱӱнӱ, ӱлгӱрнӱ, Пипенко Лидия, Запереванная Мария, Эрдниева Наташа. Хойрдгч фермднӱ болхла Ольховская, Стасенко болн Токарева.

„Троицк“ болн „Садовский“ совхозмудт ут-турштан 32 мингън хӱн киргълдхмн. „Садовский“ совхозд хӱӱнӱ киргългънд муугъар белдвр кегддж.

Кесг электрическ хӱӱчнр хоосар эрглӱд бӱӱцхӱнӱ. Эн юнӱгад хоосар эргджӱхм, — гихлӱ манд киргълчнр кӱртдж бӱӱхмн уга гидж сельсоветин ахлач цӱӱлгъвр ӱгнӱ. Сельсоветин ӱӱдн хоорнд 7-8 залус, кесг керг уга ӱгмӱд келлӱд, тошурхад сууцхана. Хӱӱнӱ киргългънд нег чигн залу кӱн уга.

Садовкин селӱгъӱр йовхла, садин сӱӱдрт суух, сад, огородтан ус гӱӱлгджӱх кӱӱкд улс дала ӱзгднӱ. Сельсовет болн ферм толгъалдж бӱӱх улс эн оln ӱмтс дунд цӱӱлгъврн кӱдлмш кедж, тер улсиг хӱӱнӱ киргългънд орлцулдж чадсмн уга.

Эн негдгч фермин ах хӱӱч Поветкин Василий нег толгъа хӱӱнӱс 5 килограмм 700 грамм ноос киргълдж авчана.

Ах хӱӱч Турчанов Федорин хӱлӱджӱх толгс киргългънд, дамшнӱгъа шулун киргълчнр болдж Корчагина Антонина, Алхутова Елена хойр бӱӱнӱ.

„Балковский“ совхоз эн джил

22086 хӱ киргълхмн. Бийсиннӱ зурагъар болхла 113900 килограмм ноос киргълдж авхмн. Тер зурагъан кӱцӱхдӱн нӱӱлджӱцхӱнӱ.

Ах хӱӱч Бука, зурагъар болхла эн джил нег тӱлгӱс 3,3 килограмм ноос авх бӱӱдж. Ода тер зурагъан давулад, 3,7 килограмм киргълдж авчана.

Целинн района „Родина“ гидг колхоз хӱӱнӱ киргългъндӱн цугъарагъаснӱ сӱӱнӱр, цагланӱ харгъулдж белдлгъ кедж.

Эн джил колхоз 31000 хӱ киргълхмн. Цуг 35 отармуд энд, колхозин правленӱ ӱӱр ирдж киргълдхмн. Хӱ киргългън ах хӱӱч Слизский Ильян тӱлгсин отарас авн эклв.

Киргългънӱ агрегатд 49 электрическ хӱӱчс кӱдлджӱнӱ. Ода деерӱн тӱлгс болгънас 4,7 килограмм ноос киргълдж авчана. Хӱ киргълдг гернӱ цевр, у, сарул, полнӱ цементлӱтӱ. Ноосн бутрдж ӱрхш.

Ноос шахдж мишглдг прессмӱднӱ цуг боомтг угагъар сӱн кӱдлнӱ. Гем бичӱ дахдж тартха гигъӱд, мишкӱд болгънд эм бӱргнӱлнӱ. Хӱӱнӱ киргългънд шулун болн шунмгъа, ӱнн седклӱн тӱвдж, чидлӱн ӱрвлл уга кӱдлдж иим колхозникӱд илгърнӱ: Гончарова Ксения, Кравченко Александра, Мучкаева Мария, Другалова Аграфена, Ситникова Александра, Бочарова Мария болн Легкодымова Мария. Колхозин ахлач ӱр Вдовин, хӱ ӱсглгънӱ фермин толгъач ӱр Черников хойр, хӱ киргълджӱх улсас заагрл уга, харул-хӱӱгъул болдж кӱдлцхӱнӱ.

Аль бис кергтӱ зер-зевӱр болн хӱӱч бӱлӱддж, тослдг улсар болн электромонтермӱдӱр цуг тетгдсн бӱӱнӱ.

К. ЧОНСИН.